



KURD LI XORESANÊ

Berhevkirina: B.Roşeng

Xoresan, parêzgeheka pan û berîne mîna welatekê ye. Dikevite bakurê-rojhelatê Îrana evro. Li ser tixûbên Afganîstan û Yekîtiya Sovyet (ya berê), bi taybet li komara Tirkmenîstan ya evro ku ew jî tirknejadin. Xoresan, devereka geleka berfirehe û mirov dişê bibêje mezintirîn parêzgehe bi erdî li seranserê Îranê ye. Ji ber wê meziniyê gelek millet jî tê de dijîn ku yek ji wan miletan kurd in.

Li vêre dibe pirsyar bêne arastekirin:

Awayekê berê van kurdan daye vî welatê veqetyayî ji Kurdistan a dayîk. Jimara wan çend in? li kîjan deverê bi diristî dijîn, aya hêştarewîşt, tîtalên wan mayîne, yan ne? Hemî pirsyaran xwe li serê mirovî didin. Welatê Îranê hemû dema tûşî hêrişên dijwar dibûn, ji layê wan miletên bi rex ve û ew ên li nêzîk dijiyan. Mîna; tirkûmanan, ozbekiyan û moxoliyan ku hemû tirknejadin û eve bo egerê wê çendê ku

şahên Îranê, yek li dûv yekê be-revaniyê ji xwe, hukumê xwe û paytextê xwe bikin. Ji bo wê be-revaniyê ya ku ew nedişyan singê wan bigirin, kurd anîne singê wan li rojhelata paytextê Îranê, da ozbekî bajêrî nestînin û pitir bi nav axa Îranê ve neçin. Her wesa, li çaxê Ozbekî ya hêriş birîne ser bajarê Kaşan, (1) tûşî kurdan bûn. Lê kurdan li beramber hêrişkirin û bi ser leşkerê ozbekiyan de girtin û şikandin, êxsîrên Îranê ji destê wan rizgar kirin. Gelek şer û pêkdedan di navbera kurdan û ozbekiyan de heta di navbera Tehran û Xoresan de. Di encam de kurdan ta Xoresan ew rateqandin, ew xeber gehandine Şah Ebas. Şah Ebas dûve çû Oxlan Bûdaqxan, kire mezinê bajarê Meşhed ku evro melbendê Xoresan e û bajarê duyê yê Îranê ye. Ji bilî vê çendê kurdên “Çemşegzig” bi rêberiya “Şaqolî Siltan” û kurdên “Zîkî” li welatê “Kerman” (1) bi rêberiya genc Elîxan rahêlane ozbekiyan û heta robarê Cîhot, di wî



demî de Şah Ebas biryar da ku kurdan li wê deverê akincî bike. Van rûdanan hemî ji salên 1007-1010 an koçî heldabûn. (2) Li vêre bo me diyar dibe ku ev kurde yê hatine akincîkirin di çaxê Sefewiya de û heta evro jî hêşta yê lê dijîn. Ev, akincîkirin ne li hukmê şahekê bi tinê hatine encamdan. Belku di hukmê çendîn şahan de bigire ji Şah Îsmâil, Şah Tehmasp û Şah Ebas. Lê koça mezin ewe, ya li hukmê Siltan Mihemedî babê Şah Ebasî hatiye kirin li sala 1007 ê, mişextî ji weramên(1) Hemî jî, ji bo parastina axa Îranê ji hêrişên ozbekiyan. Li pey serçaweniya mêjoyê; dibêjin di wî demî de %80 ji leşkerên Îranê kurd bûn. Kurdan hukum li ser deverên tixûbî dikirin, bi taybetî li bajêrê Dergez,(3) ya evro. Şah Ebas, navê “Şah Qulf” Siltanê Çemşegzig kire mîrê mîran yê Xoresanê. Li pey de kurdan bajêrê Şêrwan jî dirist kirin. Lê ji ber vî cih biçûk bû, ber bi rojhelat ve jî çûn û li Qûçan jî akincî bûn. Ev cihê yê girîngê ji layê serbazî ve, bo cihê hukmê afganiyan. Li dumahiya hukmê sefewiyan kurdan, bajarê Bicînûrd jî dirist kirin û heta evro jî her lê dijîn. Bi dumahî ve çûna hukmê Qaçerya bajêrê Bacgiran jî dirist kirin û bû malbendê Zaferanlo yan Çemşegzig yan Çemoşgezega.

Merdoxî di kitêba mêjuya kurd û Kurdistan de dinivîse: “Ew kurdên şah Ebas li sala 1011 ê mişextî veg-

uhastîne Xoresanê, heft xêlbûn; Zaferanlo, Aramanol, Kîwanol, Emarlo, Şadlo, Beçewend û Bawenore. Lê, gelo kurdan ev hemî deverên girtî, tu dibêjî jimara wan çend bûn û niho çendin?

Li pey sereçawe yê mêjoyî dibêjin ku 45 hezar xêzan yan jî nêzîkî 225000 hezar kesa li wêrê akincî kirîbûn. Lê ji ber wan şer û kuştarên hatine kirin li çaxê Nadir Şahî û ew ziyana van kurdan ketî, careka dî 5 hezar xêzanên dîtir li wêrê akincî kirin, ji bilî van kurdên bi zaravê “Guranî” diaxivin ku ew jî li Kelatnadir akincî kirin.

Weku bo me ron û eşkere ye jimara kurdan ne li Kurdistanê û ne ji derveyî wê jimara wan nehatiye diyarkirin. Ji ber gelek egerên şovenî û ramyarî. Ev devere jî her êke ji wan cihên kurd li dijîn û jimara wan bi diristî ne ya diyar e. Bi taybet gelek ji van kurdan yê bûyîne tirk û faris. Lê dirist vê hemiyê re mirov dişê bibêje jimara wan ne kêmtirê ji 1 milyon kesan. (7) Nêzîkî 1600 gundan yê heyîn û hemî jî bi zaravê kirmancî diaxivin. Ji bilî ev kurdên li çendîn bajêrên dî yê welatê Xoresan de dijîn weku Bicînûrd, Cacirm, Sebzewar, Nîşabor, Şêrwan, Qoçan, Dergez, Kelatnadir û Meşhed ku evro mezintirîn malbendê kurdaye li Xoresan ku jimareka mezin lê dijîn. Ji bilî van hemiyan, nêzîkî 5 hezar xêzana bi halê koçeratî dijîn li çiyê terş û kewalî û xwedankirina



pezî weku xêlên; Topkanlo, Perwanlo, Qaremanlo, Weranlo, Bajkanlo, Milanlo, Rokanlo, Birîmanlo, Kawanlo, Qackanlo, Emranlo, Badlanlo, Hêzlanlo, Kurdî heşt morxî, Şeranlo, Milayan û Reşwanlo. Hindek ji van xêlan dibine tayîfe jî, bo nimune topkanlo dabeş dibin li ser çendîn tayîfa mîna: Noz, Kurkanlo, Simkanlo, Alo, Kino, Mosaxanî, Aşiq û Axamihemedî.

Kurdên Xoresan dabeşkirîne li ser çendîn xêl û tayîfan ji wan a : Emarlo, (Hînrî fîld) li ser vê xêlê dibêjin nêzîkî 500 malan û li deşta Miros li bakurê-rojava Nîşabor dijîn, Şîene û zimanê xwe parastine.

Nivîserê “Mitle el Şems” dibêje: Deşta Maros, dola spî ya navdar. Çinku xêla Emarlo yê lê akincî ye. Lewma dibêjine vê deverê Emarloyan Kurdistan.

Îzanlo; Yan, Ostanlo, yan Osanlo, yan Esanlo. Jimara wan 1200 hezar mal in. Zimanê wan kurdî, tirkî û farsî jî diaxivin.

Pêçiranlo: Xwedan, mirovên şerker in. Zimanê wan kurdî, farsî û tirkî jî.

Badanlo: Yan Behadranlo, axayên wan bi desthelatbûyîne, xwe bi hevpeyman di gel Zaveronlo ya dizanin.

Palkanlo: Li devera Gêristan li ser tixûbî dijîn. Karê wan cotyarî û bi xudan kirina pezî ye. Zimanê wan; bi kurdî, farsî û tirkî jî di-

axivin.

Pehlewanlo: Li Bacîgiran, Bicnûrd dijîn. Mirovên rewşenbîr yê jê rabûyî ku hindek bûyîne ma-mosta li zankoyan.

Topkanlo: Li seranserî bakûrê Xoresan dijîn. Karê wan cotyarî û xwedankirina pezî ye. Ji bilî van çendîn xêlên dîtir jî yê heyî ku her yek dibe çendîn tîre bo nîmune; Reşwanlo, Rûdkanlo, Zeydanlo, Sêvkanlo, Sêlsipranlo, Şeranlo, Şêxkanlo, Qaçkanlo, Qasmanlo, Qaramanlo, Kawanlo, Goran, Keykanlo, Mîyanlo, Kêwanlo, Weranlo, Hodanlo, Mijdkanlo, Mîlanlo û Namanlo...htd.

Kurdên vê deverê dewerkê gelek giring hebû heta berî rejîma Pehlewî bête ser hukmî. Zimanê kurdî rewaca xwe hebû di nav tirk û farisan de.(8) Lê, her li hatina Riza Şah, bizav kirin bo paş xistin û ji navbirina ziman û kulturê kurdî. Bo nîmune; cilkên kurdî li xwendîngeha qedexê kirin, zimanê farsî kire zimanekê resmî û axaftinê bi kurdî qedexê kirin... Her wesa, li ser hukmê kurê wî, Mihemed Rîzayî jî her ew pêkol dikirin û ev bajêrên pitirîya wan kurd bizav kir ku bi hinde milletên dî biguhorin û çî pîte pê nekirin ji layê aborî û rewşenbîrî û saxlemê ve ku bû egera koçkirina gelek kurdan û gelek jî çûne Sîstan û Biloştan.(9) Heta evro jî her lê akincîne. Her wesa, hinek çûne deverên cuda cuda. Kurd li Xoresan yan weku hindek



dibêjinê Kurdistana biçûk. Halê wan xweştir nebûye ji yên kurdên li Kurdistana mezin. Kurdistana, dayîk dijiyan, belku ew jî her yê tûşî nexweşî, girûftarî û dirîndtîrîn rengên tepeseriyê bûyîne. Ji ber ku nejadkurd in. Ev reftare jî berî hemî kesan ji layê tirkan ve dihate kirin û axaftineka vebrî de bibêjin ... ewe jî, çi kurd li Xoresanê nînin. Ev reftare bo egerê wê çendê ku gelek kurd netewa xwe ji dest bidin. Hemî têkgrayên bûyîne “Şie” li cihê wê çendê ku hemî kurd weku seyda “ Kelîmola tewehodî”(11) dibêjin; Kurdên Xoresan pişkekin ji êla Şikaka. (12)

Ev revtara nejadperestî li beî hemiya ji layê parêzgarê wan ve dihate kirin, ew jî nejadtirik bû. Navê wî Wiliyan bû. Lê di ser hindê re kurdan şikyan gelek ji kelepor, rewîşt û tîtalên xwe biparêzin. Piştî salên 1980 yê çend rewşenbîrên wê mîna , Kelîmola tewhîdî, şiyana gelek ji rewşenbiriya vê deverê û mêjoya wan diyar kin Hêjaye diyar bikîn ku li berî sala 1980 yê ji bilî radyoya Meşhed, Pişka kurdî çi dezgeyên rewşenbîrî li wî welatî nebûyîne. Ev radyoye jî li pey pêşniyara Xan Qarçûrlo ve hatîbû danan ku ew jî nûnerê “Bicinordê” bû li Civata Şora Milî. Raste, dibe vê radyoyê gelek dewrê xwe nedîtîbe û erkê ketiye ser mila bi diristî nerakiribe, lê ser hinê re şiya gelek ji stiran û keleporê kurdî yê wê deverê biparêze û ji mirinê rizgar kirîbe. Bi taybetî ku ev de-

vere jî mîna hemî Kurdistanê ya dewlemende bi keleporê stirana. Kurda, li cejna “Tos”(13) li berî serketina şoreşa Îslamî li Îranê ew stiran li ser gorê hozanvanê mezinê Îranê Fîrdewsî (14) digotin û yariyên kurdî dikirin û...

Regezperêsta, gelek pêkol kirin ku yên dikin jî ji nav birin û nehêlana dîrok û rewşenbiriya kurdî heta radeyekê yên şisyî zimanê wan ji nav bibin. Lê heta niho neşiyane hestên wan ya netewayetî bikujin û evro eger, desthelat jî bin rojek her dê bê ku li xwe hişyar bin weku çawa gelek millet hişyar bûyîne û hayî ji xwe bûyîne, lê, bê ku bi kurdî naxivin!?! Gelek kesên, xelkê wê deverê yê bibîne eger zanîba tu kurdî de bêjîte min Kurmanc im yan jî da bibêjin; Xelk dibêjin me kurmanc.

Bê guman, rojek dê bête ku zelamên zîrek mîna, Cecûxan. (15) û Xweda Wêrdî, gelekên di jê rabin. Xwe li cenga Îraq û Îran jî demê digotin; Gurdanî Quçan, Fewca Quçan (16) ya pişikdare, wate şerên mezin û dijwar in. Çinku, ev kurdane ya bi nav û deng bibû şerekê, zîrekê ya xwe, eve jî bi rast dibite tîrsa dijmina eger rojekê wan hest bi kurdayetîya xwe kirin. Di ser wê himiyê re hêştê gelek ji ziman û rewîştên xwe yên parastin û gelek jî her bi axaftina zikmakî (kurmanci ya jorî) diaxivin. Nîmune: li ser çend peyveka ku ew pêkar dihênin:



Adem : Mirov Dirav : Pare
 Atam : Hêdî Rind : Ciwan
 Ajnî : Hos Ro : Roj
 Asan : Sanah Sîs : Spî
 Bav : Bab Sol : Pêlav
 Beroş : Qazan So : Sih, Sîber
 Bere : Cencere Sêpî : Sêpêk, (ji dara dirist
 Pan : Pehn dikin bo hila-
 lawêstina Meşkê)
 Pirê : Pir, (cisir) Kum : Kulav
 Parso : perasî Kasnî : Giyayeke
 Hina : Xena Kalan : Gundor
 Xan : Meznê eşîretê Gotî :
 Xirab
 yan serok êl. Hîvalek:
 yan jî cerîvek...htd
 Xêzan : Biçûk

Dalan : Bersiv (eywan)

Her wesa, hêşta karên xwe yên destî jî, ji dest nedayîne û cacmên¹⁸ Kurmancî li wê deverê bi nav û deng in. Jin û keçên kurdan bi rêstina Cacma gelek hunermend in û çî karxane neşên wan cacma birêsin ewên ew dirêsin û yên hatine niyasîn ku ji armîşî baştir û bihatir.

Li vê deverê hozanvan jî yên jê rabûyîn bû nîmune; Cefer Qulî-xanî Zengul. (19) Nîmuneyek li ser parçeyek hozaneka wî :

Bismilah ez divêjim
 Divêjim navê Peyxember.
 Ji xelkî bi ageh vî Te
 çî gutîye daver
 Mihemed (s) Mistefa

Heye axerîn serwer
 Bede ez wî Elî (E) Îmam Le
 Şîe kulê yawer
 Qulîbeg Ezîz û şair derev navêje
 Tendûr eger dax nevî, nanê genim napêje... htd
 Li domahî hîvî dikim ew jî li ser axa çar sed salî ku xwîn li ser rêtîn serbest û aza bijîn, yan jî careka dî vegeîne ser axa bab û kalan li Kurdistaneka rizgarokirî serbest û tena bijîn.

PERAWÊZ Û DEHMEN

1- Kaşan, Kerman, Weramîn :
 Sê bajêrên li jêriya paytextê Îranê.

Kaşan : Cihê navdare bi çêkirina baştirîn cûrên mehîran li cîhanê.

Kerman : Navê wê folklorê kurdî de yê heyî ku cihê baştirîn cûrên şîraye.

Nê şîrê min ê eslî ye
 Eslê xwe de Germaniye
 Asinê wî birîsî ye
 Ser şeqa wî ji pîlî ye
 Çil çerxî li devî dayî ye...htd.

Weramîn : Bajêrekê gelekê nêzîkî paytextê Tehran e.

2- Mînskî dibêjit ; ev kurde ji salên 1736-1747 ê zayînî yên hatîne akincîkirin.

3- Dergez : Bajêrekê tixûbî ye û kurdan li cihê bajêrî (diron yan dirongir) yê hatiye diristkirin. Ev bajêre du carekê yê kavi bû ye. Carekê ji layê Ozbeka ve, ew demê bajêre bi navê "Diron" û cara duwê



li hukumê Qaçariya ji layê Turkumanan ve. Belê, bi rêberiya, Nasiredîn Şah emîr Husên Xanê Êlîxanî, Hakimê Quçan û bi harikariya, Heyder Qulî Xanî, Êlîxanî bicinord careka dî dirist kirine ve.

4- Gelek bajêr û dever bi vî navî yên heyîn li Qevqaz, Îraqê û Loristan.

5- Paşgirê(Lo) Tirkiye, gelek kurdan nejadê xwe yên ji dest dayîn û yên bûyîne tirk.

6- Bacgiran : Nahyeyeka tixûbî ye, eşîreta Zeferanol û gelek eşîretên dî lê dijîn.

7- Ji bilî wan Nadir Şah du hezar mal veguhastîne devera Geylan li nêzîkî derya Xezar (Qezwîn) de ewe jî li sîngê Rûsa rawestin û ta evro jî hêşta yên li wêrê dijîn û nêzîkî 60 gunda yên heyîn û gelek gurankarî bi ser jiyana wan de nehatîne kirin.

8- Ji ber zîrekî û çelengiya kurda û zêdebarî pte pê kirina Şahên Îranê bi kurda ji bo berjewendî ya xwe , her wesa dewlemendiya folklorê kurdî.

9- Sîstan û biloştan : Parêzgeheka Îranê ye. Xelkê wê Biloşin, dikevite ser tixûbê Pakîstanê li başûrê-rojhelata Îranê. Biloştan a Îranê ya veqetyaye ji Biloştana Pakîstanê. Ware ev wêlate jî pê parçe kirî ye malbendê Biloştana Îranê bajêrê Zahdane û yê Bioştana Pakîstan bajêrê kuwîtaye.

10- Serok eşîrertên kurdan evên

koç kirine Xoresan, gelek hez ji şahên Sefewî dikirin û di navbera wan de gelek ya xweş bû. Dostaniya wan ew gehandîne wê çendê ku bibine şîe û zimanê xwe ji dest bidin. Piştî çend qonaxan gelek jê bibûne tirk, mîna eşîretên; Aryanlo, Belkanlo, Pîsranlo, Çirkatlanlo û Baddanlo...

11- Ji ber karê vî nivîserî yê girîng di vî deverê de fere bidîne niyasîn.

KELÎMOLAL TEWEHODÎ

-Li sala 1940 ê zayînî li gundê, Oxan yê ji dayîk bû yî. Lîsans bi Miarifî Îslamî, li zankoya Mişhid ya wergirtî. Çendîn kitêb û babet yên heyîn, bo nîmone;

α- Hereket tarîxî kird be Xoresan. Bi zimanê Farisî 6 berge, çend berg jê hatine çapkirin.

α- Bendên kurmancan, bi farisî, kurdî û latînî.

α- Babetên cûre cûra li ser rewşenbîrî, edeb, huner, mirov niyasîn û ... yên mayî.

Bi kurtî tewehdî dibêje , min 24 kitêb hene, lê ji destkurtiya xwe neşem çap bikim.

12- Şikak; Eşîreteke, pitiriyaya wan li ser tixûbê Îranê û tirkiye evro dijîn û sinî ne.

13- Tos : Bajareke dikevite joriya bajêrê Meşhed û geleka nîzîke.

14- Fîrdewsî : Hozanvanê mezin ê Îranê ye.



15- Cecû xan : Êke ji qeh-remanên sed salên domahiyê.

16- Quçan : Bajarekê kurdnişîne. Hevalekê got; demê cara yekê min ev bajêre dîtî ez li ser dawetekê hîlbûm, dawet kurdî û awaza kurdî lê peyv farisî digot yekser min zanî xelkê vî bajêrî kurd e. Hindek ji peyvên stiranê li bîrê bûn.

Îmroz du roze (Evro du roje)
Firda seroze (Siba sê roje)
Reşîd niyomid (Reşîd nehat)
Dilim mîsozd (Dilê min disojit)
Hay hay Reşîd xan
(Hay hay Reşîd xan)
Serdar kurd Quçan
(Serdarê kurdên Quçan)

17- Peyva (hevalek) min ji biraderekê bihîst ku bo demekê dirêj li wê deverê yê jiyayî.

18- Cacim : Yan hindek dibêjinê Cacim, ji mêzerka mezintirin û ji rîsî dirist dîkin û bo gelek karan bi kar dihînin weku perda û perya li ser nivîna de didin û danine ser milê xwe... û gelek karên dî.

19- Tewehodî li ser vî hazanvanî dibêje : Piştî min (Qird el hisnet) wergirtî ku ew jî harikariyeke ji layê dewleta ve. Min şiya dîwana wî bêxime bin çapê.

JÊDER:

1- Pind Kurdmancî: Ehmed Edî 1988 ê, çapxana gasric Bicinord.

2- Pêşeng : Hijmara 17 ê . Gelavêja 1989 ê, koça kurdan bo Xoresan, Qazî Ehmed.

3- Kovara Pêşeng : Hejmar 20 ê tîrmeha 1990 ê, çavpêketin li gel mamosta Tewehodî, bi filad.

4- Kovara Pêşeng: Hejmar 21 ê, ç, êkê 1991 ê rapêrînî xweda wêrdî le Xoresan, Tewehodî.

5- Kovara serhildan : Hijmare 4-5, 1993 ê, serhildana Xido li Xoresanê, Ehmed Hecî.

6- Xêl û tayîfekanî eşayerî kurdî Îran, Seyîd Elî Mîrniya. Wergêran; Şewket Şêx Yezdîn, 1995 .

7- El ekrad, milahezat û întibaet, v,v, Mînorskî. Tercîme: Dr. Mierof Xeznedar, Bexda 1968.

8- Kurdistan û elekrad, Dr Ebdirehman Qasimlo.

9- Cerîdet elîtûhat, eledet 60, 1994, eqbah Xoresan, Mazalt tesdîh, Bûrhan Biradost.

